



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1508. usque ad annum 1513

Fleury, Claude

August. Vind. [u.a.], 1769

VD18 90118456

§. 71. Consilia Regis Angliæ de sua filia Carolo Archiduci desponsanda.

[urn:nbn:de:hbz:466:1-66433](https://nbn-resolving.org/urn:nbn:de:hbz:466:1-66433)

Sccl. XVI.
A.C. 1509.

§. LXX.

*Albuquerqueus Pro-Rex Almeydæ
subrogatus.*

*Joan. de
Barros.
Maffæus.
Marmol.
Vasconcellos*

Almeyda parta hac victoria Cochimum
reversus est, eoque victricem classem
revexit: ast redux Alphonsum Albuquer-
cium Indiarum Pro-regem fuisse nomi-
natum comperit, cui post vehementes
contentiones ultro citroque habitas, re-
gimen cessit, ac Lusitaniam petiturus,
itineri sese accinxit, antequam vero illuc
viam emetiretur, vitæ finem imposuit.
Post ejus obitum Albuquerqueus summa
integritate ac insigni prorsus prudentia
officii sui partes expleverat, & tam fidei
Christianæ, quam Regis sui commoda
maximis incrementis promovit, ac deni-
que ejusdem nomine pluribus hujus re-
gionis ditionibus feliciter subactis foedus
inter Lusitanam coronam & Persarum
Regem procuravit.

§. LXXI.

*Consilia Regis Angliæ de sua filia
Carolo Archiduci despon-
sanda.*

*Rapin. de
Thoiras hist.
Angl. tom. 5.*

Tandem Henrico VII. Angliæ Regi, qui
Mariam filiam suam Carolo Juveni
Archiduci matrimonio jungere summis
votis

votis exoptabat, secunda adspiravit fortuna. Insumpserat jam integrum annum in exequendis hisce consiliis, denique totius negotii curam Fuxo demandaverat, a quo etiam datis literis edoccebatur, quod fausto eventu, & quidem iis conditionibus, quæ Regi summopere proficuz forent, has nuptias conciliasset, simulque cuncta superasset clandestina molimina, quibus Rex Catholicus matrimonium illud præpedire nitebatur. Accepto hoc nuntio Henricus per totum suum regnum festiva lætitiæ signa edixit, ac Nobilis de Berghen pro adolescente Archiduce missus, procuratorio nomine cum regia Filia nuptias contraxit, quæ tamen effectu caruere.

Sæcul. XVI.
A.C. 1509.

§. LXXII.

Henricus VII. morti proximus.

Attamen Henricus jam aliquamdiu lenta ta tabe laborans, malo indies crescente, omnes eo curas intendit, ut ad ultimam luctam sese accingeret, unde aucta erga pauperes liberalitate, etiam Ecclesiæ Sacramenta maxima cum religione recepit, utque misericordia erga alios propriæ culpæ veniam certiorum redderet, edicto hanc in rem promulgato omnibus delictorum pœnam remisit, cunctisque, qui ob æs alienum capti

Polyd. Virg. hist. Angl. lib. 26. sub fin. Raynald. hoc ann. n. 35.